

# Peqqissaasutut peqqinnissamullu assistentitut ilinniartitaanerit pillugit nalunaarut

Napparsimasunik paarsisutut peqqinnissamullu ikiortitut ilinniartitaanerit pillugit Inatsisartut peqqussutaanni nr. 9-mi, 13. maj 1993-imeersumi, §§ 6, 7 aamma 8 naapertorlugit aalajangersarneqarpoq:

## Kapitali 1

### *Ilinniartitaanerup siunertaa aaqqissuussaaneralu*

§ 1. Peqqissaasutut ilinniartitaanerup siunertaraa ilinniartup peqqissaasutut sulisinnaalernissaminut nammineq inuttut sulisinnaassutsikkullu piumasarineqartutut piginnaassuseqalernissaa.

Siunertarineqarportaaq ilinniartup suleqateqartarnissamut, ilisimatusarnermut inuiaqatigiinnullu tunngasutigut ineriartornerit malinnaavigalugit suliaminut tunngasutigut nutartertarnissamut kiisalu peqqissaasutut ilinniarnernup inerisarnissaanut piginnaanngorsarnissaa.

§ 2. Ilinniarfimmik nalunaarummi uani pineqarpoq Peqqissaanermut Ilinniarfik, peqqissaasutut ilinniartitaaneq.

*Imm.* 2. Peqqissaasutut ilinniartitaaneq ilinniartitsivimmi ilinniartitaanermut tassunga akuerisaasumik aaqqissuussiffineqartumi ingerlanneqartarpoq, tak. § 11.

*Imm.* 3. Ilinniartitaaneq taanna qaammatinik 48-nik sivissuseqartoq atuagarsorluni sungiusaatigalugulu sulilluni ilinniarnermik agguaqatigiissillugit sivissuseqartunik 5:4 miss.

§ 3. Ilinniartitaaneq siulersorneqassaaq peqqissaasutut ilinniarsimasumit piginnaassusilimmit, taassumalu ilinniartitaanerup atuagarsornertaata napparsimasunillu sullissinikkut ilinniartitaanerup ataqatigiissarnissaat Kalaallilu Nunaanni peqqissaasutut sulisinnaatitaanermut akuersissummik peqassagaanni piumasaqaataasut naapertorlugit ilinniartitaanerup naammassineqanernissaa akisussaaffigai.

*Imm.* 2. Atuarfimmi ilinniartitsisut ilinniartitsisinnaanermut piginnaaneqartut naammattut sulisorineqassapput.

## Kapitel 2

### *Ilinniartitaanerup imarisai pilersaarusioneqarneralu*

§ 4. Ilinniartitsissutigineqartarput atuagarsorluni sulillunilu peqqinnissakkut isumaginninnermik napparsimasunillu paarsinermik ilinniarnernit makkununga sammisitat: inuit peqqisut, arnat ernisuttut, inuit peqqigunnaarnissaannik aarleqqunnartut inuillu tassanngaannartumik ataavartumillu nappaatillit, timikkut eqqarsartaatsikkulu nappaateqartunik, aamma inuit qassinilluunniit ukiullit namminneq angerlarsimaffimmiinniittut, suliffinniittut, napparsimmavinniittut suliffeqarfinnilu allaniittut.

*Imm.* 2. Ilinniartitaaneq aaqqissuussaavoq pingasunik immikkoortulerlugu tamarmik ukiumit ataatsimit

ukiut marlungajaat (uk. 1 3/4) tikillugit sivisussuseqartut, taakkunanilu ilinniarneqartassallutik napparsimasunik paarsisup peqqissusermut iluaqutaasussanik allanngutsaaliissutaasussanillu, napparnaveersaataasunik, katsorsaaneramik, anniarunnaarsaaneramik piginnaanngorsaqqinnermullu tunngasunik suliassai kiisalu tamakkununnga atasumik ataqatigiissaarinnermik ilinniartitsinnermillu suliassat.

*Imm. 3.* Ilinniartitaaneq aaqqissuunneqarpoq napparsimasunik paarsinnermi suliassat nalinginnaasut aallarniutigineqarnerisigut. Immikkoortut tulluittut marluk imaqarput napparsimasunik paarsisup suliassaanik immikkut ittunik, taakkulu aaqqissuunneqarput artornarsiartuaartillugit immikkoortuisa kingullersaat ilaqartussanngorluguttaaq napparsimasunik paarsisup suliassaanik namminersuutigalugu suliaqarnermik.

*Imm. 4.* Ilinniartitaanermit ilaatinneqassapput peqqinnissakkut napparsimasunillu paarsinikkut napparsimmavimmi nakorsaaserinikkut pilattaanikkullu paaqqinninneq, ernisussiorneq, peqqinnissakkut napparsimasunillu paarsinikkut naartusunik kiisalu meeqqanik paaqqinninneq, eqqarsartaatsikkut nappaatilinnik, utoqqalineq pissutigalugu nappaatinik peqqinnissakkut isumaginninneq napparsimasunillu paarsineq kiisalu angerlasimaffinni napparsimasunik paarsineq.

**§ 5.** Atuagarsornertaa imaqarpoq ilinniagassanik makkuninnga: atuagarsornermik atuartitsineq tamakkerlugu tamarmik immikkut procentit makkua missaannik annertussuseqartunik:

1) Peqqinnissaq napparsimasunillu paarsineq pillugit ilinniagassat peqqinnissamullu tunngasunik ilisimatusarinnikkut ilinniagassat allat: Peqqinnissamik isumaginninnermi napparsimasunillu paarsinnermi atuartarissat suleriaaserlu kiisalu nappaatinik tunillaassuuttartunik ilinniarneq, nappaatilerineq, inuussutissalerineq, nakorsaaserineq, ernisussiorneq, inuiaqatigiinnut, suliffeqarfinnut avatangiisinullu tunngatillugu nakorsaaserineq il, - il.: 60 pct.

2) Pinngortitamik ilisimatusarnermi ilinniagassat: Anatomi (timip sananeqaataanik ilinniarneq), fysiologi, fysik, kemi, biokemi, mikrobiologi, klinisk kemi, genetik il.il.: 20 pct.

3) Inuuneq inuiaqatigiillu pillugit ilisimatusarnermi ilinniagassat: Psykologi (inuup eqqarsartaasia pillugu ilinniarneq), pædagogik (perorsaaneq), sociologi, attaveqatigiittarneq, peqqinnissamik inunnillu isumaginnittoqarfiup aaqqissuussaana suliaalu, tamakkununnga ilanngullugit inatsiseqarneq, allaffeqarfikkut ingerlatsinnermik ilinniarneq, allaffissorneq siulersuinerlu kiisalu isumassarsiaasimasut pingaarnerit pillugit oqaluttuarisaaneq ileqqorissaanerlu il.il.: 20 pct.

*Imm. 2.* Atuagarsorluni ilinniartitaanerup erseqqinnerusumik pilersaarusioneqarnera ilinniartitaanerullu ingerlanerata agguataarneqarnissaa aalajangersarneqassapput ilinniartitaanerup aaqqissuussiffigineqarnerani, tak. § 11.

**§ 6.** Sulinnermik sungiusarneq pingaarnernik makkuninnga imaqarpoq: sulinnermik sungiusarneq tamakkerlugu tamarmik immikkut procentit makkua missaannik annertussuseqartussanik:

1) Peqqinnissamik nakkutiginninneq napparsimasunillu paarsineq tunngatinneqartoq inunnut peqissunut, arnanut ernilersunut inunnillu peqqigunnaarnissaat aarleqqutigintartunut: 35 pct.

2) Peqqinnissamik isumaginninneq napparsimasunillu paarsineq inunnut tassanngaannartumik aamma katsorsarneqarsinnaanngitsumik nappaatilinnut, timimikkut eqqarsartaatsimikkullu nappaateqartunut sammisitat: 65 pct.

*Imm. 2.* Sulinnermik sungiusarnerup minnerpaamik 20 pct.-ia napparsimmaviup avataani inunnik peqqinnissamillu isumaginnittoqarfimmi pisassaaq.

*Imm. 3.* Sulinnermik sungiusarneq sivisunerusumik ingerlanneqartarpoq, ilaqartinneqarluni

napparsimasunik paarsinermi suliassanik.

*Imm. 4.* Sulinermik sungiusarnek imaalillugu aaqqissuunneqassaaq, immikkoortua siulleg ilinniartitaanerup ingerlanerani 25 pct.-iata missaanik, immikkoortuisa aappaat 30 pct.-iata missaanik immikkoortuisalu pingajuat 45 pct.-iata missaanik sivilissusilerlugit.

*Imm. 5.* Sulinermik sungiusarnerup ilinniarnullu agguanneqarnerata erseqqinnerusumik aaqqissuussaaneri ilinniartitaanerup aaqqissuussiffiqineqarneranni aalajangersarneqassapput, tak. § 11.

### Kapitali 3

#### *Piginnaassutsimik naliliineq*

§ 7. Piginnaassutsit, ilinniakkatigut anguneqartut, atuagarsonermut atatillugu misilitsinnikkut sungiusaatigalugulu sulinermut atatillugu angusat nalilernerqarnerisigut uppersaaserneqartassapput.

§ 8. Misilitsinnerit ilinniarfimmi avataaniluunniit misilitsinnerupput. Ilinniarfimmi misilitsinnerit soraarummeersitsisumit (-sunit) nalileeataasumillu ataatsimit imaluunniit nalileeataasunit arlalinnit ilinniarfiup toqqagaanit nalilernerqartassapput. Ilinniarfiup avataani misilitsinnerit soraarummeersitsisumit (-sunit) nalileeataasumillu, ilinniarfigisamit inassuteqareennikkut Kulturimut, Ilinniartitaanerup ilisimatusarnermullu Pisortaarfimmit soraarummeersitsissannertinneqartunit, nalilernerqartassapput. Nalileeataasartut ikkunneqartassapput ukiunit pingasunit ukiunut tallimanut atuuttussannertorlugit.

*Imm. 2.* Ilinniarfimmi avataanilu misilitsinnerit Danmarkimi ilinniarfinni qaffasinnerusuni karakteriliisarnerit qaqugukkulluunniit tamanut atuuttut naapertorlugit nalilernerqartassapput. Maannakkut atorineqarpoq 13-skala.

*Imm. 3.* Piginnaassutsimik naliliineri angusivoq/angusinngilaq atorineqartassapput.

§ 9. Ilinniarnerup immikkoortuisa pingasuusut § 4-mi taaneqartut naanerini tamani ilinniarfiup avataani misiliisoqartassaaq. Misilitsinneri tamani sammisanik (stoffinik) ilinniagassani pingasuni § 5-imi taaneqartuniittunik soraarummeersitsineqartassaaq.

*Imm. 2.* Ilinniarnerup immikkoortuisa pingasut, § 4-mi taaneqartut, naanerini ilinniarfiup avataani misilitsittoqartassaaq. Ilinniartitaanerup immikkoortuisa pingajuanni marloriarluni piginnaassutsimut naliliisoqartassaaq. Ilinniarnerup immikkoortuisa pingajuanni qaammatini pingasuni aamma arfineq-marlunni sungiusaatigalugu sulereernermi angusanik naliliineqartassaaq. Angusanik naliliinerit suliarineqarneranni tunniunneqarnerannilu napparsimasunik paarsisoq(-sut) sungiusaatigalugu sulinermut akisussaasoq(-sut) aamma napparsimasunik paasisussanik ilinniartitsisoq ilinniarfimmeersoq peqataassapput.

*Imm. 3.* Misilitsinnerit angusanillu naliliinerit tamarmik angusiffiussapput.

*Imm. 4.* Misilitsinnerup angusiffiussaaq karakteri 6-iuppat taassumangaluunniit qaffasinneruppat imaluunniit naliliineq angusiffiuppat. Misilitsinnerit tamarmik immikkut angusiffiussapput. Misilitsinnerit angusiffiusut uteqqinneqarsinnaanngillat. Ilinniagaqartoq misilitsinnermut ataatsimut annerpaamik pingasoriarluni misilitsikkumasinnaavoq.

*Imm. 5.* Immikkut pissutissaqartillugu ilinniarfigisap sisamassaaneerluni misilitsittoqarnissaa akuersaarsinnaavaa.

*Imm. 6.* Ilinniagaqartut, angusanik naliliineri angusinngitsoorsimasut, aappassaaneerlugit nalileqqinneqarsinnaapput sungiusaatigalugu sulineq ilinniarfusup aalajangiineratigut nangeqqinneqareerpat.

*Imm. 7.* Ilinniagaqartut, angusanik aappassaaneerluni naliliineri angusinngitsoorsimasut,

pingajussaaneerlugit nalileqqinneqarsinnaapput suliffiup avataani sungiusaatigalugu sulisitsinikkut, tassanilu naliliinnermi angusivoq/angusinngilaq atorneqartassapput.

**§ 10.** Ilinniartiusup napparsimasunik paarsisutut naammassillugu ilinniarsimanermut uppernarsaat tunniutissavaa misilitsinnermi angusiffiusuni piginnaassutsimillu naliliinnermi angusat nalunaarlugit.  
*Imm. 2.* Ilinniartitaanerup immikkoortuisa siulliat aappaallu angusiffiullutik naammassineqarpata ilinniartiusup peqqinnissamut ikiortitut ilinniarsimanermut uppernarsaat tunniussinnaanngussavaa. Uppernarsaat peqqinnissamut ikiortitut suliat pillugit nalunaarsummik imaqassaaq.

## Kapitali 4

### *Ilinniartitaanerup aaqqissugaanera*

**§ 11.** Ilinniartiusup ilinniartitaaneq pillugu malittarisassat erseqqinnerusut ilinniartitaanermik aaqqissuussineq atorlugu suliarissavai.

*Imm. 2.* Nalunaarummi uani aalajangersagaasut takuneqarsinnaasut saniatigut ilinniartitaanerup aaqqissuussaanera makkuninnga imaqassaaq:

- 1) Ilinniartunngornissamut piumasarineqartut.
- 2) Ilinniartitaanerup immikkoortuini pingasuni tamani anguniakkat.
- 3) Atuagarsorluni ilinniarnermi atuartsissutit tiimillu agguataarneqarneri.
- 4) Sungiusaatigalugu sulinerup agguataarneqarneranut aaqqissuunneqarneranullu pilersaarusiaq.
- 5) Sungiusaatigalugu suliffissanik akuersinissamut najoqqutassat.
- 6) Ilinniartfigisap avataani misilitsinnerit angusanillu naliliinnerit qaagukkut pisarnissaat.
- 7) (Ilinniartfigisami) misilitsinnernut aamma (sungiutsaatigalugu sulinnermi) angusat nalilerneqarnerannut peqataajumassagaanni piumasaqaataasinnaasut.
- 8) Misilitsinnerit ataasiakkaat ilusilersugaaneri angusanillu naliliinnerit pillugit maleruagqusat.
- 9) Misilitsinnerit amerlassusii.
- 10) Atuartsissutini/sammisani ataasiakkaani karakterip, taanna atuartsissummi/sammisami tassani misilitsinnerit karakteereqaataasussat arlallit agguaqatigiissinnerisimappassuk, qanoq ililluni taamaattuunissaanut maleruagassat.
- 11) Napparsimasasut soraarummeernissaannut malittarisassat.

*Imm. 3.* Ilinniartitaanerup aaqqissugaanera Kultureqarnermut, Ilinniartitaanerup Ilisimatusarnermullu Pisorta qarfimmit akuersissutigineqassaaq.

*Imm. 4.* Ilinniartitaanerup aaqqissugaanerani allannguutit ilinniartitaanermi immikkoortup aallartinneqarnerani atuutilertassapput.

## Kapitali 5

### *Peqqinnissamik isumaginninnermi ikiortinik ilinniartitseqqinneq*

**§ 12.** Peqqinnissamik isumaginninnermi ikiortit peqqinnissamut qullersaqarfiup (Sundhedsstyrelsen) Kalaallit Nunaanni peqqinnissamut ikiortissat ilinniartitaasarnissaannik kaajallaasitaa 17. juni 1980-imeersoq malillugu ilinniagaqarsimasut napparsimasunik paarsisussat ilinniartitaanerata immikkoortuisa pingajuannut ilaaniarlutik qinnuteqarsinnaapput.

*Stk. 2.* Peqqinnissamik isumaginninnermi ikiortit napparsimasunik paarsisussatut ilinniartitaanerup aallartiffia ukiunik tallimanik sioqqullugu ilinniagaqarsimasut, napparsimasunik paarsisussatut ilinniartitaanerup immikkoortuisa pingajuannit ilinniagaqalersinnaapput:

1) napparsimasunik paarsisussatut ilinniartitaanermi immikkoortut aappaanni ilinniarfiusup avataani misilitsinnissamut piareersaataasumik atuagarsorluni ilinniartitsinermut qaammatit sisamat missaannik sivilissuseqartumut peqataasimasuugunik, aamma

2) napparsimasunik paarsisussatut ilinniartitaanermi immikkoortut aappaanni ilinniarfiusup avataani misilitsinnerit angusiffigisimagunikkit.

*Stk. 3.* Peqqinnissamilli isumaginninnermi ikiortit napparsimasunik paarsisussatut ilinniartitaanerup aallartiffia ukiut tallimat sinnerlugit sioqqullugu ilinniagaqarsimasut ilinniartunngortinneqarsinnaapput, tak. imm. 2, ilinniarfiusoq isumaqarpat qinnuteqarput napparsimasunik paarsisussatut ilinniartitaanerup naammassinnaangornissaanut allatut iliornikkut pisariaqartitanik piginnaangorsarfigisimagaat.

## Kapitali 6

### *Ilinniartitaanerup aqunneqarnera*

**§ 13.** Ilinniarfigisami ilinniartitaanermut siunnersuisoqatigiiliortoqassaaq. Ilinniartitaanermut siunnersuisoqatigiit aqqanilinnik ilaasortaqaassapput.

*Imm. 2.* Ilaasortat marluk Naalakkersuisunit toqqarneqassapput, ilaasortarlu ataaseq kommunip oqartussaaffini sungiusaatigalugu suliffissanik ilimaarinnittoq Kalaallit Nunaanni Kommuneqarfiit Kattuffannit toqqarneqassaaq. Ilinniartitaanermut siunnersuisoqatigiinni ilaasortat sinneri makkuussapput:

- 1) Peqqinnissamut Ilinniarfiup pisortaa.
- 2) Napparsimasunik paarsisutut ilinniartitaanermi nakkutilliisoq.
- 3) Peqqinnissamut Ilinniarfimmi ilinniartitsisut aalajangersumik atorfeqartut akunnerminni toqqagaat ataaseq.
- 4) Ilinniagaqartut akunnerminni toqqagaat ataaseq.
- 5) Dronning Ingridip Napparsimmavissuani napparsimasunik paarsisut pisortaat.
- 6) Dronning Ingridip Napparsimmavissuani nakorsat pisortaat.
- 7) Nakorsaq peqqinnissakkut Nakkutilliisuutitaq.

*Imm. 3.* Siunnersuisoqatigiinni ilaasortat sinniisussaannik toqqaasoqassaaq, Nuummi najugaqanngisunik.

*Imm. 4.* Ilinniartitaanermut siunnersuisoqatigiit assersuutigalugu inuit perorsaanermik paasisimasaqartut isumaginninnermullu tunngasunik ilisimasaqartut taaseqataasinnaatinnagit ataatsimeeqatiserisinnaavaat.

*Imm. 5.* Ilinniartitaanermut siunnersuisoqatigiit namminneerlutik inissitsitissapput siulittaasulerlutik siulittaasullu tullilerlutik. Siulittaasoq taassumalu tullia napparsimasunik paarsisuussapput.

Ilinniartitaanermut siunnersuisoqatigiit suleriaasissartik namminneerlutik aalajangersassavaat, tassanissaaq ataatsimiigiaqqullugit aggersarneqarsimasut taaseqataasinnaatitaassanersut aalajangissallugu.

*Imm. 6.* Ilinniarfik ilinniartitaanermut siunnersuisoqatigiinnut allattoqarfussaaq.

**§ 14.** Ilinniartitaanermut siunnersuisoqatigiit napparsimasunik paarsisutut ilinniartitaanermi siunnersuisuussapput inassuteqaateqartassallutillu Kultureqarnermut, Ilinniartitaanermut Ilisimatusarnermullu Pisorta qarfimmu, aammattaaq § 26 naapertorlugu misiliutaasumik aaqqissuussinnerut.

*Imm. 2.* Tamakku saniatigut ilinniartitaanermut siunnersuisoqatigiit inunnik isumaginninnermut peqqinnissamullu tunngasunik ilinniartitsinerit ilisimatusarnermut inuiaqatigiillu inerisaaneqarnerannut attuumassuteqartut pillugit Naalakkersuisunut inassuteqartassapput.

**§ 15.** Ilinniartitaanermut siunnersuisoqatigiit makku alaj angiivigisassavaat:

- 1) ilinniartunik soraarsitsinerit,
- 2) ilinniagaqartut pillugit inuttaanut tunngatillugit immikkut akuersissuteqartarnerit aamma
- 3) sungiusaatigalugu suliffissat akuersissutigineqarneri.

## **Kapitel 7**

### *Soraarummeerneq pillugu naamagittaalliuutit*

**§ 16.** Ilinniarfigisap iluani avataaniluunniit misilitsinnerit soraarummeernerilluunniit pillugit naamagittaalliuutit makkununga tunngassuteqarsinnaapput:

- 1) soraarummeerummut toqqammavigisaq, aammattaaq soraarummeernermi apeqqutit, suliassiissutit assigisaallu atuagassallu annertussusaannut sanilliullu
- 2) soraarummeernerup qanoq ingerlanneqarnera imaluunniit
- 3) soraarummeernermik naliliineq.

**§ 17.** Naammagittaalliuut, ilinniarf igisamut tunniunneqartussaq, allaganngorlugu sunalu pillugu maarlaaruteqarneq oqaatigalugit tunniunneqassaaq.

*Imm. 2.* Naammagittaalliuut, misilitsinnerup soraarummeernerilluunniit inernerata tiguneranerit, kingusinnerpaamik ulluinnaat arfineq pingajuanni tunniunneqassaaq.

*Imm. 3.* Immikkut pisoqartillugu ilinniarfik imm. 2 pillugu immikkut akuersissuteqarsinnaavoq.

**§ 18.** Ilinniarf igisap naamagittaalliuut piaarnerpaamik nalileeppaarsimasunut saqqummiutissavaa.

**§ 19.** Naliliisoq (-sut) nalileeppissinnaavoq, aammaarlugu soraarummeernissamik neqerooruteqarsinnaalluni naamagittaalliummiluunniit toqqammavilersuut itigartissutiginnaallugu .

*Imm. 2.* § 16-imi taaneqartut arlaannik arlalinnilluunniit amigaateqarneq pissutigalugu nutaamik naliliisoqassatillugu, nutaamik naliliineq soraarummeeqataasunut, taamatulli soraarummeernermi amigaateqartunut, tamanut naliliinerussaaq,

*Imm. 3.* §16-imi taaneqartunut sanilliullugu arlaannik arlalinnilluunniit annertuumik amigaateqartoq naliliisup naliliisulluunniit ilaata isumaqarf igippagu, aammaarluni soraarummeernissaq neqeroorutigineqassaaq. Soraarummeertunut, taamatulli soraarummeernermi amigaateqarsimasunut, tamanut aammaarluni soraarummeernissaq neqeroorutigineqassaaq.

**§ 20.** Naammagittaalliuut naliliisumit (-sunit) tiguneqarneranit kingusinnerpaamik ulluinnaat aqqaneq aappaanni naamagittaalliuut naammassillugu suliarineqariissaaq aalajangiinerlu ilinniarfigisimasut nalunaarutigineqarluni, tassanngaaniillu naamagittaalliuuteqartoq aalajangiineq pillugu piaarnerpaamik nalunaarfigineqassaaq.

*Imm. 2.* Imm. 1-mi piffissaliunneqarsimasup ingerlanerani naamagittaalliuutip suliarineqarnissaanut akornutissaqarsimappat, ilinniarfigisap naamagittaalliuuteqartoq tamanna pillugu piaarnerpaamik nalunaarfigissavaa, naamagittaalliuullu qaqugukkut naammassineqassanganneqarnerisooq nalunaarlugu.

**§ 21.** Naliliisup (-sut) § 19 naapertorlugu aalajangiinera naamagittaalliortumit Kultureqarnermut, Ilinniartitaanermut Ilisimatusarnermullu Pisortaqaqfimmup ingerlateqqinneqarsinnaavoq.

*Imm. 2.* Naammagittaalliuut, ilinniarfigisamut tunniunneqartussaq, allaganngorlugu sunalu pissutigalugu naamagittaalliuuteqarneq oqaatigalugu tunniunneqassaaq.

*Imm. 3.* Naliliisup (-sut) aalajangiinera pillugu naamagittaalliortoq ilisimatinneqareerpat,

naammagittaalliuut kingusinnerpaamik ulluinnaat arfineq pingajuaanni tunniunneqassaaq.

*Imm. 4.* Immikkut pisoqartillugu, ilinniartitarsaq imm. 3 pillugu immikkut akuersissuteqarsinnaavoq.

**§ 22.** Kultureqarnermut, Ilinniartitaanermut Ilisimatusarnermullu Pisortaqrarup karaktere atorunnaarsissinnaavaa, nutaamik (-nik) naliliisulerluni nalileeqqittoqarnissaa aalajangiussinnaallugu naammagittaalliornermiluunniit toqqammavilersuut itigartitsissutigisinnaallugu.

*Imm. 2.* Kultureqarnermut, Ilinniartitaanermut Ilisimatusarnermullu Pisortaqrarup naammagittaalliuut aalajangiivigitinnagu ilinniartitaanermut siunnersuisoqatigiit naliliisorlu (-sullu) oqaaseqartissavai.

*Imm. 3.* Nutaamik (-nik) naliliisoqarluni nalileeqqittoqarnissaa Kultureqarnermut, Ilinniartitaanermut Ilisimatusarnermullu Pisortaqrarup aalajangiuppagu, naliliisussat Kultureqarnermut, Ilinniartitaanermut Ilisimatusarnermullu Pisortaqrarup toqqassavai.

*Imm. 4.* § 16-imi taaneqartut arlaannik arlalinnilluunniit amigaateqarsimaneq pissutigalugu karakterip qaffanneqarnissaa, nutaamik naliliisoqarnissaa aammaarluniluunniit soraarummeeqqusinermik neqeroorut Kultureqarnermut, Ilinniartitaanermut Ilisimatusarnermullu Pisortaqrarup aalajangiuppagu, aalajangiineq soraarummeertunut, soraarummeernermi taamatulli amigaateqarsimasunut, tamanut atuuppoq.

**§ 23.** Ilinniagaqartup naammagittaalliuutimi suliarineqarnerata nalaani ilinniarnini ingerlatiinnarsinnaavaa. Taamaanngilarli nalunaarummi uani ilinniartitaanerullu aaqqissuussaanerani allatut aalajangersaasoqarsimappat.

*Imm. 2.* Naammagittaalliuut uppersaataitaarnissamut kinguneqartussaataitaanngilaq, tak. § 10.

**§ 24.** Nutaamik naliliineq aammaarluniluunniit soraarummeerneq piaarnerpaamik pissaaq.

**§ 25.** Naammagittaalliuuteqarneq appasinnerusumik karaktereqalernermit kinguneqarsinnaanngilaq.

## Kapitali 8

*Immikkut akuersissuteqartarneq, naammagittaalliuuteqartarneq atuutilerfalu*

**§ 26.** Ilinniartitaanermut siunnersuisoqatigiit inassuteqartereernerisigut Kultureqarnermut, Ilinniartitaanermut Ilisimatusarnermullu Pisortaqrarup nalunaarummi matumani aalajangersakkanik sanioqqutsigallarnissamut akuersissuteqarsinnaavoq. Taamaaliortoqartillugu misiliinerup sivilissusissaa qanorlu nalunaarusiortoqartarnissaa ilanngullugit aalajangersarneqartassapput.

*Imm. 2.* Immikkorluinnaq pissutissaqartillugu Kultureqarnermut, Ilinniartitaanermut Ilisimatusarnermullu Pisortaqrarup nalunaarummi aalajangersakkat sanioqqunneqarnissaannut akuersissuteqarsinnaavoq.

**§ 27.** Ilinniartitarsaq tamatigit nalinginnaasumilluunniit aalajangersakkatigit akuersissuteqarsinnaavoq Kalaallit Nunaanni, Qallunaat Nunaanni nunaniluunniit allani ilinniakkat naammasseriikkat/angusiffusimasut ilinniakkanut nalunaarummi uani pineqartunut taarsiunneqarsinnaasut.

*Imm. 2.* Imm. 1 naapertorlugu akuersissuteqartoqarnerani ilinniagaq naammassineqarsimasutut isigineqartassaaq, ilinniagaq pineqartoq pillugu aalajangersakkat malillugit angusiffusimappat nalunaarulluunniit manna naapertorlugu angusiffusimappat. Naliliineq angusiffusimasutut nuunneqassaaq, karakterimut taarsiullugu atorineqanngikkuni aammalu naliliussaasimanngikkuni aalajangersakkat taakkuusut atorlugit, karakteritut nalunaarut una malillugu tunniunneqartutut.

**§ 28.** Ilinniartitaanermut siunnersuisoqatigiit aalajangiineri tigunerinit sapaatip akunneri sisamat qaangiutsinnagit Kultureqarnermut, Ilinniartitaanermut Ilisimatusarnermullu Pisortaqrarup

ingerlateqqinneqarsinnaapput. Naammagittaalliuut aalajangiivigitinnagu ilinniartitaanermut siunnersuisoqatigiit ilinniarfigisarlu oqaaseqaateqartinneqassapput.

**§ 29.** Aalajangiinerit allat pillugit naammagittaalliuutit, ilinniarfigisap aalajangiineri ilanngullugit, aalajangiinerup tiguneranit sapaatip akunneri sisamat qaangitsunnagit Kultureqarnermut, Ilinniartitaanermut Ilisimatusarnermullu Pisorta qarfimmu ingerlateqqinneqarsinnaapput. Naammagittaalliuut aalajangiivigineqartinnagu ilinniartitaanermut siunnersuisoqatigiit ilinniarfigisarlu oqaaseqaateqartinneqassapput.

**§ 30.** Nalunaarut una atortuulissaaq januarip aallaqqaataani 1994-imi.

*Namminersornerullutik Oqartussat, ulloq 27. december 1993.*

Marianne Jensen

/

Aqigssiaq Møller

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut